

Guangjisi Minzcu Bau

ganhhau: CN45-0036 B.2013 Nd.10 Ng.16 liggaueq gveiqceih nienz ndwengouj cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3094期

Bwzswz Si Aen Gvanj Daih'it Baijok Vwnzva Bouxcuengh Haidou Lo

百色市首个壮文化主题展示馆开馆

10 nyied 9 hauh, Bwzswz Si aen gvanj daih'it aeu baijok vwnzva Bouxcuengh guhcawj— aen gvanj baijok vwnzva Bouxcuengh youq Denzyangz Yen gizdieg fathwnj goengcoj Bouxcuengh haenx hai dou hawj vunz lai yawjgonz lo.

“Dou hwnjguh aen gvanj baijok vwnzva Bouxcuengh, couh dwg vihliux hai aen cueng hawj vunzbiengz roxnaj vwnzva Bouxcuengh, laebhwnj aen bingzdaiz he baijok vwnzva Bouxcuengh.” Denzyangz Yen Cwngfuj doenghboux fucwz lwnh, vih gajbienq ndawbiengz Bouxcuengh

gij cingzgvang vwnzva conzdungi bienq noix、doenghgij dinfwngz ndawbiengz saetcienz、doenghgij doenghyiengh vunz laebguh haenx mbouj caiq miz, hawj vwnzva Bouxcuengh maenhndei haenx caiq hoengh hwnjdaej, Denzyangz Yen laebhwnj le aen gvanj baijok vwnzva Bouxcuengh.

“Seizneix mizmbangj bouxcoz nyinhnaeuz vwnzva minzcu conzdungi gvaqseiz lo, mbouj naemj bae roxyiuj, langh mbouj aeu cosih daeuj henhoh, daengz coglaeng doenghgij vwnzmingz Bouxcuengh raeuz cij-

ndaej bienqbaenz kij goj riuz lo.” Cingq youq ndaw gvanj ngonzyawj seizhaenx, goenggeq Bouxcuengh heuhguh Vangz Luz 62 bi haenx dangheiq naeuz, dangqnaej youq ndawsingz mbouj daih raen kij ranz Bouxcuengh, bouxcoz Bouxcuengh hix mbouj daih gangj Vahcuengh lo, langh miz kij doenghyiengh lumj gvanj vwnzva miz daegsaek Bouxcuengh haenx guh gizdieg baijok roxnaj swncienz vwnzva Bouxcuengh, hix dwg gienh saeh ndei he.

(Lingz Cungh)

SIUSIK DINJ

简讯

● 10 nyied 13 hauh, dwg ngoenzciet gouj nyied gouj. Ngoenz haenx, Gunghcwngz Yauzcuz Swciyen geij cien bouxgeq youq yienhsingz cungsim gvangcangz baiz baenz “duzlungz raez cien mij”, angqyangz dwk camgya ndek gvaengz gyongx bit、ringx lanzgiuz、dwkbiu、vit dawh coq bingz daengj hozdung, nauhyied raixcaix.

(Cwng Ciminj)

● 10 nyied 11 hauh, Cingsih Yen Sinhcing Cin Fuzsieng Ciet moegyau ciuq seiz gawjhengz. Baez hozdung neix aeu moegyau guh cawjdaez, doenggvaq baijok moegyau、yienj heiqmoegyau、doldax eu fwen daengj hozdung, hungzyangz vwnzva ndawbiengz, hwng vwnzva mbanj Bouxcuengh.

(Cau Ginhvuj)

● Daj bineix daeuj, Dasinh Yen cienzmienh saedhengz gyaayuz hawj vunz lai souh'ik gunghcwngz, daengx yienh miz 34888 boux hagseng cunghyoz nem siujyoz henzguck haenx souh'ik, aeundaej cwngzyau yienhda.

(Hoz Bingjswng)

● Daj bi'gvaq saedhengz hanghmoeg aen cin aen cunh mizmingz miz daegsaek daeuj, Fuconh Yauzcuz Swciyen Cauzdungh Cin gungh guhsat 16 aen hanghmoeg, gungh roengzngaenz 977 fanh maenz. Guhsat kij hanghmoeg neix, doidoengh dangdieg ginghei engqvaiq fazcanj, hawj ginzung aen cin neix souh'ik gig lai.

(Cinz Youjyin Cinz Yengiz)

● 10 nyied 11 hauh, Denhdwngj Yen faenbied youq ndaw yienh cungjgunghvei nem minzcwnggiz gawjhengz gouj nyied gouj bouxgeq dijjuz doxdax hozdung. Gij doxdax hanghmoeg miz dinghdiemj douzlanz、gibaizgiuz、mwnzgiuz daengj. Daengx yienh gungh miz 300 lai bouxgeq camgya, gyoengqde gvaq ndaej gig angq.

(Liengz Cwngzfuj Vangz Bingjyouz)

Yungzanh: Angqyangz Coux Gouj Nyied Gouj

融安: 欢歌迎重阳



10 nyied 11 hauh banhaemh, youq Yungzanh Yen yinzminz veicangz, doenghboux saujsu minzcuz cingq byaujyenj vwnzyi cezmuz. Ngoenzhaenx, Yungzanh Yen banh daih'it gajq “gingq laux gyaenz laux” gouj nyied gouj vwnzvacouh, doenghboux vunz saujsu minzcuz baugvat Bouxcuengh、Myauzcuz、Dungcu daengj doxcomz daengz neix, ciengqgo diuqfoux, doengzcaeaz angq coux gouj nyied gouj. Ndaw doz dwg gyoengq bouxgeq saujsu minzcuz cingq yienj cezmuz.

(Dwng Lidngz ingj)

Gunghcwngz: Ciengx Nonsei Baenz Aen Fuyez Moq Hawj Beixnuengx Yauzcuz Demsou

恭城: 养蚕成瑶胞增收新副业

9 nyied co, dou daengz Gunghcwngz Yauzcuz Swciyen Lizmuz Cin Sanggyan Cunn Mbanjliuzgyahvanh 8 Cuj ranz boux ciengx nonsei Liuz Yenzynh yawj cam. Lauj Liuz lwnh dou de ciengx song bi nonsei, bineix 1 daengz 6 nyied couh gai ndaej 13000 maenz.

Liuz Yenzynh bineix 48 bi, dahlwg de youq rog guhhong, de caeuq baz guhdoi youq. Ciuq cam rox, aenvih aeu cungj hingz sik gunghshw gya nungzhoh haenx daeuj ciengx nonsei, youz doenghboux gisuzyenz ndaw Gunghcwngz Gajifungh Nonsei Canjyez Youjhan Gunghshw haenx

cijdaej, bi daih'it couh ciengx 10 buek, gig vaiq dwk gaemmaenh gisuz, fawh rawz hab guh maz, de cungj ciuq iugouz nyinhcaen guh. Ndigah, seizneix moix ciengx buek nonsei he, de boux he couh bau liux.

Dou cam de yienghneix guh dwg mbouj dwgrengz? De riu naeuz: “Lai gvaqsuenq gvaq ciengx mou、ciengx yiengz, moix buek laisiuj cungj aeu 15 ngoenz couh baenz sou lo. Yah gou coengh dem, hix mbouj fwengx. Giz cei q dij couh dwg ciengx nonsei mbouj rab, mbouj haeu, haex nonsei dwg doenghyiengh baujgen, youh ndaej guh bwnh ndei.”

Ciuq cam rox, Sanggyan Cunn Mbanjliuzgyahvanh dwg Gunghcwngz dangqnaej “aen mbanj ciengx nonsei daih'it”, daengx mbanj miz 500 lai moux suensangh, dieg neix 100 lai hoh nungzminz dawz ciengx nonsei dangguh cungj fuyez moq he. Dou seihbienh cam yawj le geij ranz ciengx nonsei, couh raen bineix seizcou nonsei maj ndaej gig ndei. Caiq gvaq geij ngoenz, Mbanjliuzgyahvanh 100 lai ranz ciengx nonsei haenx couh ndaej gai reh lo, gai hawj gunghshw moix goenggaen 38 maenz, neix couh coj ndaej sou lai.

(Cwng Ciminj Moz Cenzgvangh)